

¡BOMBA!

Con Sabbath o de solista,
de fans al rock repueblas;
¡Príncipe de las Tinieblas!
¡Salud y hasta la vista!



K'uintsil

Miércoles 23 de julio de 2025

CAMPECHE · YUCATÁN · QUINTANA ROO · AÑO 11 · NÚMERO 2526 · www.lajornadamaya.mx

Táan u bin u ka' jóopol u kuxtal vaquita marina: ti' t'u'ulpach meyaje' u'uya'an kex 41 u téenal

Daniel González Delgadillo / p 16
Oochel La Jornada



Vaquita marinae' ts'o'ok u yu'ubal 41 u téenal ikil táan u t'u'ulpachta'al te'el ja'aba', tu científico yéetel jala'ach meyajil ti'al u kaláanta'al u kuxtal, ts'o'oke' lelo' "uts ba'al tumen táan u chiikpajal ti' yaan" tu ja'ilo'ob Alto Golfo California, beey a'alab tumen Centro para la Diversidad Biológica.

Ti' tsikbal yanchaj yéetel Alejandro Olivera, máax chiikbesik México te'el múuch'kabilo', tu tsolaje'

ti' u ts'o'ok xookil beeta'an ti'al u yojéelta'al jaytúul ti' le ba'alche'ob yaano', ila'ane' yaan kex waxaktúul u túulal, ts'o'oke' ti'al u ts'o'okbal le ja'aba' yaan u ka' ojéelta'al bix yanik meyajo'ob ku beeta'al ti'al u ts'aatáanta'al kéen xak'alta'ak tuka'atéen le meyajo'obo'. Vaquita marinae' juntúul ba'alche' jach sajbe'entsil yanik u ch'éejel.

Tu winalil mayoe', u múuch'il Grupo Intragubernamental sobre la

Sustentabilidad káaj u tu'ulpachtik u t'aan le ba'alche'a', ichil yéetel tu bak'pachil tolerancia cero, ti' yaan aktáan u jáal ja'ilo'ob San Felipe, Baja California, ti'al u yojéelta'al tu'ux yaan, beey a'alab tumen jbiólogo. Tu ya'alaj ti'al u winalil septiembree' yaan u chúunul u crucecerosil u máan ilbilo'ob tumen u múuch'kabil Sea Shepherd tu ja'il Alto Golfo de California, ti'al ka béeyak u xo'okolo'ob.

Ku tukultike', le beyka'aj yano'obo' ma' tun bin jach ya'abtal tu séeba'anil te'el 2025a', tumen ma' ya'ab yani', ts'o'oke' ti'al u yantal u mejenile' ku máan maanal jump'éel ja'ab.

U ka' ya'abta'ale' jujump'ítil kéen úuchik, ts'o'oke' leti' u tuukulil meyaj túumben jets'a'an tumen Organización de las Naciones Unidas para la Educación, la Ciencia y la Cultura tu táan u jo'olpópilo'ob noj lu'umo'ob ti'al le jo'op'éel ja'abo'ob ku taalo'obo'.